

四書考輯要卷七

桂林陳宏謀榕門輯

孫蘭森編校

論語

雍也第六

南面

按古者天子嚮明而治故南面而聽天下以臨萬民諸侯之朝亦取南嚮答陽之義

也說見易經禮記但雍也卽有人君之德而夫子遽以人君之位許之母乃涉於僭今考內外官署上下大小臨民治事皆取南向是亦南面之義也夫子謂雍也才德可以臨民故遂以是許之未必定指南面卽爲人君之位學者勿以辭害意可也

子桑伯子

卽子桑戶也魯之隱士

莊子子桑戶。孟子反。子琴張。三人相與語曰。孰能相

與於無相與。相爲於無相爲。

蓋言無所事事。無所作爲也。

孰能登

天遊霧。撓挑無極。

反復終始。不可得而端倪也。

相忘以生。無所終

窮。

生死無二。不可窮究。

三人相視而笑。莫逆於心。遂相與友而

子桑戶死。未葬。孔子聞之。使子貢往待事。

待助其喪事。焉。

或編曲。或鼓琴。相和而歌。

卽謂孟子反二人也。

曰。嗟來桑戶乎。

嗟來桑戶乎。而已反其真。而我猶爲人猗。

語助詞。

子貢

趨而進曰。敢問臨尸而歌。禮乎。二人相視而笑曰。是

惡知禮意。子貢反以告。孔子曰。彼遊方之外者也。以

生爲附贅縣疣。

體中餘肉。謂之贅疣。言以生爲多事。

以死爲決疣。

瘡類。潰。

癰疽也。以死爲瘡疽之潰。乃復其本始。又惡能爲世俗之禮。以觀衆

人之耳目哉。言其不能守常禮。使衆人適觀也。又子輿人名。與子桑

友。而霖雨十日。子輿曰。子桑殆病矣。裹飯而往食之。

至子桑之門。則若歌若哭。鼓琴曰。父耶。母耶。天乎。人

乎。子輿入曰。子之歌詩。何故若是。曰。吾思夫使我至

此極者。而弗得也。父母豈欲我貧哉。天地豈私貧我

哉。然而至此極者。命也夫。說苑孔子見子桑伯子。

子桑伯子不衣冠而處。弟子曰。夫子何爲見此人乎。

曰。其質美而無文。吾欲說而文之。欲使加學問。以文其質也。孔子

去。子桑伯子門人不悅曰。何爲見孔子乎。曰。其質美

而文繁吾欲說而去其文

欲使去文而獨全天真也

故曰文質修

者謂之君子有質而無文謂之易

簡率

野樸陋子桑伯子

易野欲同人道於牛馬

人道與牛馬無二可以隨處相安不必煩立綱紀以拘束

人所謂居簡行簡是也

按先儒謂子桑伯子有二

人辨者紛紛然其人大約簡易脫略如莊列之流仲雍舉之止重言其太簡不必辯其爲一是二也

釜庾秉

春秋左傳

昭三年

晏子曰齊舊四量

量米之器有四等

豆區釜

此四量名四升爲豆各自其四

四豆爲區區斗六升四區爲釜釜六斗四升是

自豆而區各加其四也

以登

成也

於釜釜十則鍾

儀禮十斗曰

斛十六斗曰簋十簋曰秉

一秉爲十六石五秉則八十石也

原思

原憲字也。宋人。或曰魯人。唐宋歷贈爵。明改稱先賢原子。本朝因之。

家語原憲清淨守節。貧而樂道。孔子爲魯司寇。原憲

嘗爲孔子宰。孔子卒後。原憲退隱居於衛。韓詩外

傳原憲居魯。環堵之室。

室之小也。

茨以蒿萊。

屋上皆乘蒿萊。

蓬

戶

以蓬爲戶。

甕牖。

以甕爲牖。

桷桑。

以桑木爲屋桷。

而無樞。

門無樞軸。

上漏下

濕。匡坐。

安坐。

而絃歌。子貢相衛。乘肥馬。衣輕裘。中紺著

紺著

衣於中。

而表素。

外則衣素。

軒不容巷。

言車馬之衆。巷不能容。

而往見之。

原憲楮冠。

以楮葉爲冠。

藜杖。

以藜爲杖。

而應門。正冠則纓絕。

冠之

敝也。

振襟則肘見。

衣之敝也。

納履則踵決。

履之敝也。

子貢曰。嘻。先

生何病也。原憲仰而應之曰。憲聞之。無財之謂貧。學

而不能行之謂病。憲，貧也。非病也。若夫希世而行，與時

相趨比周而友，學以爲人，教以爲己，仁義之匿。匿，仁義而不事。

車馬之飾，衣裘之麗，憲不忍爲之也。子貢逡巡而有慙色，不辭而去。原憲乃徐步曳杖，歌商頌而入，聲滿於天地，如出金石。

鄰里鄉黨

周禮

天官小宰

以官府之八成經邦治。三曰聽閭里以版

戶籍

地官大司

又

地官大司

令五家爲比，使之相保。

任也。居相親也。

則易

五比爲閭。

二十五家。

使之相受。

居同門閭。

四閭

爲族。

一百家。

使之相葬。

族相聚處，則財力足以相助。

五族爲黨。

五百家。

使之相救。

有災寇足以相救。

五黨爲州。

二千五百家。

使之相賔。

有賢能者相

厄足以相賔。

五州爲鄉。

萬二千五百家。

使之相賔。

有賢能者相與賔而典之。

又

遂人

五家爲鄰。

鄰則相鄰比。

五鄰爲里。

二十五家共居井里也。

又

鄰掌相糾相受。

糾其奸暴受其善良。

凡邑中之政相贊。

長短使相補助。

徙於他邑則從。

隨也。

而授之。

不禁其往。

按周禮鄉有鄉師鄉大夫州有州長黨有黨正族

有族師閭有閭胥閭師比有比長縣有縣師縣正

遂有遂人遂師遂大夫鄰有鄰長鄙有鄙師

鄩里四

爲

鄩有鄩長里有里宰皆各掌其教治政令孟月吉

日

朔月

則屬民而讀法以糾戒之

駢角

禮記

檀弓

夏后氏尙黑

禹以治水得天故尙水色

牲用元殷人尙

白牲用白

湯以征伐得天故尙金色

周人尙赤

取火勝金之義

牲用騂

赤色

又王制

祭天地之牛角繭栗

如繭如栗牛犢之角也

宗廟之

牛角握

長不出膚

賓客之牛角尺

長一尺取其肥大

又

明堂

夏

后氏牲尙黑殷白牡周騂剛

牡之性剛

周禮

地官

牧人掌

牧六牲

謂牛馬羊豕犬雞

凡陽祀

郊廟

用騂牲

陰祀

社

用黝牲

牲望祀

嶽瀆

各以方之色凡外祀

如田獵立表而貉祭及王行所過山川

毀事

祈禳之事

用麗

雜色

可也

閔子騫

閔損字也魯人唐本朝因之

宋歷贈爵明

家語閔子騫問政於孔子。孔子曰：以德以法。夫德法

者，御民之具，猶御馬之有銜勒也。君者，人也。吏者，轡

也。刑者，策也。夫人君之政，執其轡策而已。子騫曰：敢

問古之爲政。孔子曰：古者天子以內史爲左右手。內史

掌王八柄及敘事之法。出納王命。制祿策賞皆掌之。以德法爲銜勒，以百官爲

轡，以刑罰爲策，以萬民爲馬。故御天下數百年而不

失，善御馬者，口無聲而馬應。行止如意轡策不舉而極千

里。行極千里善御民者，壹其德法，正其百官，以均齊民力。

和安民心，故令不再而民順從，刑不用而天下治。

又閔子三年之喪畢，見於孔子。子與之琴，使之絃，切

切而悲。作而曰。先王制禮。弗敢過也。子曰。君子也。

史記

仲尼弟子列傳

閔子不仕大夫。不食污君之祿。

說苑

閔子騫始見於夫子。子貢問曰。子始有菜色。

黃色飢餓之色

也。

今有芻豢之色。

肥壯之色

何也。閔子曰。吾出蒹葭之中。

猶言草茅之中

入夫子之門內。切磋以孝。外爲之陳王法。心

竊樂之。出見羽蓋龍旗。

仕宦之飾

旃裘相隨。心又樂之。二

者相攻胸中而不能任。

不能自主

是以有菜色也。今被夫

子之文寢深。又賴二三子切磋而進之。內明於去就

之義。出見羽蓋龍旗。旃裘相隨。如苦土矣。是以有芻

豢之色。

韓詩外傳

閔子初喪母。爲後母所苦。冬月

以蘆花衣之以代絮後母所生二子則衣絹父偶令

損御體寒失

韌車

父責之損不自理

不自辨白

父察知之

欲出後母損曰母在一子單母去三子寒遂止其後

母亦改悔待閔子如其子

按此足爲閔子孝弟之證

按世俗稱人孝弟必謂其父母昆弟不慈不友而後見其人之孝弟論其子弟則得矣何以爲其父母昆弟地哉至父母昆弟咸稱其能孝能弟其見真其情習其事確其孝弟真無間然矣故夫子稱閔子之孝謂人不問於其父母昆弟之言也他日子曰宗族稱孝鄉黨稱弟夫世人泛稱其孝弟猶

屬悠悠之口。必孝稱自宗族。弟稱自鄉黨。其人孝弟。乃非虛譽。意亦同此。

費

魯東鄒邑。僖公以賜季友。今山東費縣。

春秋左傳

襄七年

南遺

魯人

爲費宰。叔仲昭伯

魯大夫

爲隧

正

主役徒者

欲善季氏而求媚於南遺。謂遺請城費。吾多

與而

汝也

役。故季氏城費。

此季氏所以強。

又

定十二年

公山不狃

時爲費宰。

叔孫輒

時不得志於叔孫。

帥費人以襲魯。公與三子

孟叔

季三氏。

入於季氏之宮。費人攻之。弗克。仲尼

時爲司寇。

命申

句須樂頤

二人皆魯臣。

下伐之。敗諸姑蔑。

魯地。今屬山東泗水縣。

遂

墮費

墮其城也。

汶上

汶水之源出今山東萊蕪縣東北汶上則汶水之陽爲齊境地今山東汶上縣

書禹導沅水

卽濟水

東流爲濟

出今河南濟源縣地

入於河

今河南孟

縣地溢爲滎

東出於陶邱北

今山東定陶縣地

又東

至於菏

今山東荷澤縣

又東北會於汶

在今山東萊蕪縣合流

又北東

入於海

在今山東博興縣入海

冉伯牛

冉耕字也魯人與仲弓同族唐宋歷贈爵明改稱先賢冉子

本朝因之

白虎通冉牛危言正行而遭惡疾

從祀名賢傳冉

伯牛以德行稱亞於顏閔孔子爲司寇以爲中都

魯地

今山東汶上縣宰嘗從陋於陳蔡之間彈咏不輟後設教於

洺

魯地今屬直隸廣平府

樂道不仕遘惡疾卒

尸子仲尼志

意不立。

志意或有懈怠忽。

子路侍。

如見南子。則子路不悅之類。

儀服不修。公

西華侍。

公西束帶立朝。蓋矜於儀節者。

禮不習。子游侍。

子游列於文學。故習於禮。

辭不辨。宰我侍。

宰我言語之科。以善辨稱。

亡忽古今。顏淵侍。

如顏淵有

為邦之才。必兼用四代禮樂。能不忽乎古今也。

節小物。冉伯牛侍。

冉伯牛蓋言行皆修

之士。故雖小事。必節慎也。

子曰。吾以六子自厲。

砥礪也。

此聖人謙辭。亦傳道得吾

徒。顧而樂之之意。

淮南子。

精神篇。

子夏失明。伯牛為厲。

厲。即癩也。

梁劉峻辨命論。冉耕歌其芣苢。

註。伯牛以德行者。而有惡疾。

牖

禮記

喪大記。

疾病。外內皆埽。

以賓客將候問。故潔所居。

寢東首於北

牖下。

病者恒居北牖下。東首以受生氣。若君來視之。則暫移向南牖下。令君得南面視之。此鄉黨所

以記聖人疾。君視之。則東首也。按儀禮宮廟圖無北牖。而西北隅謂之屋漏。以天光漏入而得名。或者北牖指此乎。

簞食

簞。小匡也。

篇海竹簞器。

鄭康成曲禮疏。簞盛飯者。圓曰簞。方

曰筥。


按簞與筥同。而有方圓

之別。書曰。衣裳在筥。則

筥又爲盛衣之器。而簞

則第以盛飯也。

圖



瓢飲

瓢。瓠之小者曰瓢。卽匏瓜也。取匏瓜剖開。爲酒尊。爲舟浮水。以爲瓢。則可爲飲器。

周禮

春官

饗人

饗名

門用瓢

盛受也

祭器以

瓢取質樸之意

詩

大雅公劉

酌之用匏

卽瓢也

莊子

魏王

貽我

大匏

之種

我樹之

成而實

以物實其中

五石以盛水漿

言盛五石之水

其堅不能自

舉也剖之以爲瓢則瓠落無所容

言瓠之無所用

楊子方

言蠡或謂之瓢

武城

閔若璩四書釋地曾子居武城卽仲尼弟子傳之南

武城魯邊邑也在今費縣

山東沂州府屬子游爲武城宰卽此地

西南

八十里石門山下

有澹臺滅明冢

史記加南於武城上者別

於魯之北有東武城也

卽今山東武城縣非子游絃歌之武城也

澹臺滅明

字子羽魯武城人唐宋歷贈爵明改稱先賢澹臺子本朝因之

史記

仲尼弟子列傳

滅明狀貌甚惡欲事孔子孔子以爲材

薄既已受業退而修行南游至江

今江南蘇州府有澹臺湖卽其遺跡

從弟子三百人設取予去就名施於諸侯

言其教人以取予去

就之節故諸侯稱之

孔子聞之曰吾以貌取人失之子羽

家

語子貢曰貴之不喜賤之不怒

言此身可貴可賤不以境遇動其心

苟

利於民矣廉於行已

苟於民有利雖損已亦可也

其事上也以佑

其下

言其事上乃欲佑助百姓也

是澹臺滅明之行也

按博物志載滅明渡

河有投璧斬蛟事本屬不經又曰子羽子溺死於江弟子欲收葬之子羽曰螻蟻何親魚鼈何仇遂不收

葬皆非聖賢中

正之道故不載